

L'uman en la maschina

■ (rtr) **Hubo vesa ora sco in uman, sa mova sco in uman e sa deporta sco in uman. El è quasi in uman en furma dad ina maschina.** Hubo n'è betg mo in solit roboter. El è il pli spert roboter da sia sort. El vegn da la Corea dal sid, var 1,50 meters grond e paisa var 80 kilos, ed è vegnì preschentà al Forum mundial d'economia FEM a Tavau. Hubo è in Roboter da salvament. El duai ir en regiuns da catastofas a gidar. Tar catastofas pli grondas sco la catastrofa d'atom a Fuku-

shima. Quai ch'è era stà il punct da partenza per il svilup dal roboter «Hubo». Perquai che il roboter duai esser in agid per nus umans duess el er esser sco nus, di l'inventader da Hubo Oh, *Jun Ho*. Il roboter na sa dentant betg lavurar independentamain. El fa simplamain per cumond. Vul dir: Sch'el survegn in cumond, lura fa el quai che el sto. Hubo duai dentant vegnir independent. Uschia ch'el bada sez tge che el sto far. Quai saja però anc in lung viadi.